

SARS e Lemoša ka Obamelo ya Thoto ya Krepto

Tshwane, 9 Oktobore 2024 - Ditirelo tša Motšhelo tša Afrika Borwa (SARS) di lemogile diponagalo tše dikgolo tša tirišo ya dikharensi tša ditšithale tše mmalwa tše di dirišwago ke maAfrika Borwa a mantši. Bontši bja magareng ga tšona bo akaretša dithoto tša krepto. Palo e kgolo ya go feta 5.8m ya maAfrika Borwa e na le thoto ya krepto, yeo Borwa bja ka Afrika bo ikgantšhago ka palo e kgolo ya tirišo ya Bitcoin lefaseng.

SARS e belaešwa ke gore dithoto tše tša krepto le kgwebišano ga di tsebagatšwe go dipušetšo tša motšhelo wa balefela motšhelo. SARS go ya ke molao e gapeletšega go ba le boikarabelo bja ditseno goba dithoto dife goba dife tše di swerwego ke balefela motšhelo gape e šetše e kile ya mema ditšhentšhano tša krepto le bao ba amanago le kgwebišano goba bao ba swerego dithoto tša krepto go bololla ditiragalo tša go amega ka go ithaopa. Bjale ka tatedišo, SARS e tlo akaretša dithoto tša krepto go mananeo a yona a obamelo. Ka lebaka leo, SARS e dirišana le Bolaodi bja Tshepetšo ya Sektara ya Ditšhelete (FSCA) mabapi le dipeelo tša tshedimošo ya mabapi le ngwadišo ya Bafana ka Tirelo ya Thoto ya Krepto (CASPs). SARS gape e hwetša tshedimošo thwii go tšwa go ditšhentšhano tša se legae.

Se bohlokwa, go swanetše go gatelelwa gore ka ditumelelano tše dintši SARS e tšhentšhana ka tshedimošo le balaodi ba bangwe ba motšhelo lefaseng ka bophara. Dipeelo tša diakhaonte tša moše di tlo šoma ka ditumelelano tše dintši tše di swanetšego go saenwa ke Ditona tša Ditšhelete ka Nofemere 2024 tše di tlo diragatšago tšhentšhano ya go tshela tokelo ya boahlod ya tshedimošo e bjalo ya mabapi le balefela motšhelo ba ka Afrika Borwa.

SARS e holofela gore balefela motšhelo le bagwebi ba bantši ba a tshephagala le gore ba holofela go thušwa go phethagatša boitlamo bja bona bja semolao. Go latela tagafara ya rena ya semolao, SARS e fana ka hlathollo le tiišetšo ka a boitlamo ka moka bja semolao go balefela motšhelo le bagwebi. SARS gape e šoma ka hlokomelo go nolofaletša balefela motšhelo le bagwebi go obamela le go phethagatša boitlamo bja bona. Ka tsitsinkelo, ke tebo ya leano la rena go thatafaletša le go lefiša dikotlo go ao ba dirago ka bomo go se obamele. Maitekelo a akanyeditšwe go thekga Leano la Rena la go hlohlomiša setšo sa boithaopo bja obamelo.

Ka phethagalo, ka go šomana le obamelo ya krepto SARS e oketša bokgoni ka go dihlopha tša yona tša oditi go thekga boitšhimolliši bja tiišetšo. SARS e sekegetše kudu ka go tirišo e kgolo ya bohlale bja ekišo, thuto-metšhene le alkoritime go tšwetšapele mošomo wa rena. Ka go phethagatša tagafara ya rena, SARS mankgapele e rometše mangwalo a therišano go balefela motšhelo ba dithoto tša krepto. Mangwalo a a nepile go hwetša tshedimošo ya dipeeletšo tša balefela motšhelo tša dithoto tša krepto le

kgwebišano yeo e dirilwego go kgontšha SARS go fihlelela obamelo ya balefela motšhelo mabapi le se.

Balefela motšhelo bao ba ka amegago gape ba ka belaetšwago ke obamelo ya bona ya dithoto tša krepto ba gopotšwa ka Lenaneo la SARS la go Bololla ka Boithaopo (VDP) go nolofatša obamelo. Makga a a na le maemo a go lebelelwa ka tlhoko. Maemo a mangwe ke gore molefela motšhelo o swanetše go itebanya le SARS pele. Morago ga ge SARS e šupeditše molefela motšhelo bakeng sa oditi, o thibelwa go dira kgopelo ya VDP.

Khomišinare wa SARS Commissioner Mrn. Edward Kieswetter o sa ntše a gopotša balefela motšhelo go botegela ka tshephagalo go obamela boitlamo bja bona bja semolao ka go tsebagatša matseno a bona ka moka. O boletše gore: “SARS e tloga e šoma tlase le tletlolo go kgonthiša gore balefela motšhelo ka moka ba a obamela, gape bao ba efogago maikarabelo a bona ba imetša obamelo go balefela motšhelo bao ba obamelago. Se ga se fela go se loke go balefela motšhelo ba go botega, eupša se ama bao ba šaparegilego setšhabeng ka go kgaoletša bokgoni bja mmušo bja go fana ka mphiwafela wa leago le dikholego tše dingwe tša leago tše di hlokegago kudu. Tsebiša batho ka moka gore theknolotši e kaonafaditše bokgoni bja SARS bja go lwantšhana le balefela motšhelo bao ba sa obamelego. Lemošwa, SARS e tlo tšweletša ntle le go fiega, kgaugelo goba kgethollo.”

Go hwetša tshedimošo enngwe, ka kgopelo ikgokaganye le SARS go

SARSMedia@sars.gov.za